



PARS SEXTA.
DE OPERATIONIBUS
CHYMICIS.

CAPUT PRIMUM.
DE AQUIS SIMPLICIBUS
DISTILLATIS.

AQUA RORIS MAJALIS.

Roris Majalis, quantum libuerit.
Distilla lento igne in Cucurbita benè stannata,
seu Balneo Mariæ, aut Vaporis, secundum artem, ad dua-
rum, triumve partium remanentiam, & usui serva,
Aperitiva, diuretica, & deobstructiva est.

Sic distillantur.

Aquæ Pluviales,
Fontanæ,
Fluviatiles,
Serum Lactis,
& similia.

Bbb

AQUA ACETOSÆ.

R. Herbarum Acetosarum recentis, antequam semine sit
prægnata, collectæ, . . . libras viginti.
Minutim concidantur: mitte in vesicam æneam stanno
obductam, & affunde

Aquæ communis, . . . libras quadraginta.

Adaptetur capitellum refrigeratorio suo munitum, &
addito recipiente, fiat distillatio lege artis, ad viginti li-
brarum remanentiam.

Aqua elicita, per dies aliquot Soli exponatur.

Refrigerat, & temperat febrium ardores.

Sic distillantur aquæ Herbarum succulentarum

Lactucæ,
Oxytriphyllii,
Portulacæ,
Solani,
Sempervivi,
Chelidonii,
Fumaricæ,
Plantaginis,
Borraginis,
Cichorii,
Buglosi,
& similia.

AQUA CARDUI BENEDICTI.

R. Cardui Benedicti, . . . libras duodecim.
Contundantur in mortario marmoreo, & mace-
rentur per biduum in

Aquæ communis, . . . libris triginta sex.

Distillantur modo prædicto ad remanentiam librarum
viginti, & usui serva.

Sudorifera, & antifebrilis est.

Extractum fieri potest ex residuo in vesicam relicto, liquorem exprimendo, clarificando, & ad debitam consistentiam evaporando. Easdem vires habet.

Eodem distillantur modo Aqua ex herbis minus succulentis,

Arthemisiæ,
Betonicæ,
Argentinæ,
Bugulæ,
Calendulæ,
Centaurii minoris,
Centinodii,
Bardanæ,
Consolidæ majoris,
Hederæ terrestris,
Euphrasiæ,
Herniariæ,
Sabinæ,
Scabiosæ,
Saniculæ,
Veronicæ,
Verbenæ,
Ulmariæ,
Tussilaginis,
& similia.

AQUA COCHLEARIÆ.

R. Cochleariæ recentis, libras decem.
Minutim incisæ, immitte in Cucurbitam, superaffundendo

Aquæ communis, libras viginti.
Distillentur lento igne secundum artem ad remanentiam librarum decem, & in vase benè obturato ad usum serva.

Bbb ij

380 PHARMACOPOEA MATRITENSIS.

Etiam fieri potest extractum, modo supradicto
Anti-scorbutica est, obstructions tollit, urinam ciet,
& crassos dissolvit humores.

Sic distillantur Aquæ ex Herbis Succo acri expletis, seu saturatis.

Beccabungæ,
Berulæ,
Cochleariæ,
Nasturtii,
Trifolii Fibrini,
Lepidii,
Radicum Raphani rustici, scobinâ de-
rasarum,
& similia.

AQUA ABSYNTHII.

R. Summitatum recentium Absynthii, libras octo.
Aquæ communis, . . . libras viginti quatuor.
Macerentur per viginti quatuor horas: dein distillen-
tur ad libras octo.

Calefacit, & siccat; in ventriculi affectibus prodest;
in febribus præsertim declinantibus, plerumque fructuo-
sè exhibetur.

*Hoc modo distillantur Aquæ ex Summitatibus floridis Planta-
rum Aromaticarum, scilicet*

Chamæmeli,
Chærophyllii,
Fœniculi,
Hyssopi,
Majoranæ,
Melissæ,
Menthæ,
Rutæ,

Salviæ,
 Scordii,
 Matricariæ,
 Tanaceti,
 Pulegii,
 Thymi,
 Myrthi,
 Lauri,
 Lentisci,
 & similia.

AQUA BACCARUM JUNIPERI.

R. Baccarum recentium Juniperi contusarum, . . .
 libras quatuor.
 Aquæ communis, libras sexdecim.

Macerentur per horas viginti quatuor, loco tepido,
 dein distillantur secundum artem, circiter ad medias, &
 ferva ad usum.

Diuretica est, propterea in renibus expurgandis omnino
 laudem meretur.

Ex materia residua distillationis Extractum fieri potest,
 & easdem virtutes obtinet, quam aqua distillata.

Theriaca Germanorum à Medicis communiter appella-
 tur.

Simili modo sequentes Aqua distillantur.

Baccarum Lauri,
 Seminum Anisi,
 Anethi,
 Apii,
 Carvi,
 Cumini,
 Dauci,
 Foeniculi,

Hoc modo distillantur Aqua

Florum Aurantiorum,
 Caryophyllorum Hortensium,
 Liliorum alborum,
 Lavandulæ,
 Liliorum Convallium,
 Anthos,
 Calendulæ,
 Nymphææ,
 Papaveris Rhœados,
 Pœoniæ,
 Sambuci,
 Stœchados,
 Tiliæ,
 & similia.

Nota: Ex dictis Floribus prius mundatis posse aliquos distillari in Balneo Maris, seu Vaporis, absque extera humiditate, & liquor distillatus *AQUÆ ESSENTIALIS* nomine insignitur.

AQUA CERASORUM NIGRORUM.

R. Ceraforum Nigrorum maturorum, cum nucleis contu-
 forum, } ana libras duodecim.
 Aquæ communis, }

Macerentur per biduum, & distillantur secundum artem ad remanentiam librarum duodecim.

Pro cordiali, & anti-epileptica habetur.

Sic distillantur Aqua fructuum

Fragorum,
 Frambœsæ,
 Ribium,

Ceraforum Acidorum,
Mororum Rubi Idæi,

Simili modo distillantur Aqua Fructuum, prius cortice denudatorum, in frusta sectorum, ut

Melonum,
Citrulli,
Cucumeris,
Cucurbitæ,
& similia.

AQUA TOTIUS CITRI.

R. Citrorum, seu Limonum cum cortice, seminibus,
& pulpa minutim sectorum, libras duodecim.
Aquæ communis, . . . libras decem & octo.

Digerantur per biduum, dein distillantur lege artis ad libras duodecim aquæ, usui servandæ.

Cordialis, & alexipharmaca est, propterea cum fructu potionibus cordialibus, alexipharmacis, febrifugis, stomachicis, & roborantibus, additur.

Simili modo distillari possunt Aqua

Fructuum Aurantiorum,
Cydoniorum,
Pomorum dulcium,
& similia.

Nota: quod prædicti fructus, in frusta disecti, alio distillantur modo: videlicet, absque ulla aliena humiditate in Balneo Maris, seu Vaporis.

AQUA CORTICUM CITRI.

R. Corticum exteriorum Citri, seu Limonum minutim incisorum, libram unam.
Aquæ simplicis, libras sex.

Macerentur per biduum, dein distillantur ad libras tres.

Easdem vires obtinet.

Eodem modo distillatur

Aqua Corticum Aurantiorum.

AQUA NUCUM VIRIDUM.

R. Iulorum, seu Florum Nucum Juglandium, . . .
 libras quatuor.
 Tere, & infunde in decocto ex aliis Nucis floribus
 antea parato ad supereminentiam aliquot digitorum, postea
 distilla:

In aquam distillatam immitte

Nucum immaturarum contusarum, libras duas.

Macera per horas viginti quatuor, ac iterum distilla:
 aquæ distillatæ affunde

Nucum maturitati proximarum contusarum, . . .
 libras tres.

Macera ut supra, & fiat tertia distillatio ad libras octo,
 & serva ad usum.

Sudorifera est; febribus malignis, pestilentialibus, intermittentibus, & variolis auxiliatur; stomachum roborat, ac flatu dissipat.

Dosis ab unciiis duabus ad quatuor.

Ex residua tertia illius materiae post distillationem, expressa, colata, & purificata, lento igne fit Extractum.

Easdem virtutes possidet, sed magis activas quam Aquæ distillata.

AQUA LACTICINOSA, SIVE LAC CINNAMOMI.

R. Cinnamomi acuti selectissimi, crassiusculè triti, . . .
 uncias octo.
 Vini albi generosi, libram unam.
 Ccc.

386 PHARMACOPOEA MATRITENSIS.

Digerantur simul in retorta vitrea optimè clausa; per spatium viginti quatuor horarum, dein superaffunde

Aquæ communis, libras duas.

Et apposito receptaculo, juncturis clausis, Arenæ Balneo, ferè ad ficcitatem distillantur, cavendo ab empyreumate, liquor lacteus, valdè aromaticus prodibit, qui *LAC CINNAMOMI* vocatur, ad usum servandus.

Flatus dissipat à frigida causa enatos, stomachum roborat, appetentiam excitat, imbecillibus confert.

AQUA CINNAMOMI HORDEATA.

R. Cinnamomi acuti frustulatim fracti,
. uncias sex.

Decocti Hordei tepefacti, libras sex.

Macerentur per triduum, subindè distillantur secundum artem ad Aquæ libras quatuor, & in vase vitreo benè obturato ad usum serva.

Cardiaca est, parturientibus præsentaneum est auxilium, cordis palpitationi, & stomachi debilitati succurrit; spiritus vitales recreat; sudorem movet, ac venenis resistit, ideò in omnibus ferè potionibus non sine fructu adhibetur.

Dosis à drachmis duabus ad uncias duas.

Cum æquali Cinnamomi quantitate, & libris sex Succi Cydoniorum fiat maceratio, postea distilla ut supra, & Aquam egressam usui serva, sub nomine *Aquæ Cinnamomi Cydoniatæ*.

Ad idem præstat, sed magis roborat.

AQUA CINNAMOMI SPIRITUOSA.

R. Cinnamomi acuti frustulatim fracti, uncias sex.
Vini electi, libras tres.

Fiat maceratio per quatrimum in vase benè obturato: dein distilla secundum artem ad dimidias, & Aqua spiri-

tuosa, lacticinosaque prodibit: ad usum in vase vitreo ritè clauso asservanda.

Easdem vires habet, sed efficaciores.

Dosis à drachma una ad unciam unam.

Nota: quòd si prædicta Aqua super Cinnamomum alterum cohobetur *Aqua essentialis* plus activa, ac spirituosa obtinebitur.

AQUA ESSENTIALIS SPIRITUOSA CORTICUM CITREI.

R. Corticum exteriorum recentium Citrei, seu Limonium, libras tres.
Vini albi optimi, libras sex.

Digerantur per biduum in Cucurbita vitrea idonea benè clausa, postea capitello, & receptaculo instructa, juncturisq; obseratis, igne arenæ, ad libras tres distillantur, & liquor projectus in lagena vitrea ritè obturata, pro Syrupopo conficiendo, servetur.

Hic obiter animadvertere oportet, quòd cum Syrupus Corticum Citrei amarus elaboretur, cum uncis tribus essentialis spirituosæ aquæ, suprâ descriptæ, aromaticetur, & in defectu Corticum recentium injiciantur uncie quinque siccarum.

Sic distillatur

Aqua spirituosa Corticum Aurantiorum.

AQUA LIGNI SASSAFRAS.

R. Radicis, seu Corticis, vel Ligni Sassafras contusi, libram unam.
Aquæ communis, libras octo.

Macerentur per dies sex in loco tepido, dein per vesicam distilla ad aquæ libras tres, & ad usum serva.

Scorbuto, Lui venereæ, doloribus colicis, cachexiæ, uterinis obstructionibus, ac similibus affectibus prodest.

Dosis à semiuncia ad uncias duas.

Cccij

Sic distillantur Aquæ

Lignorum Rhodii,

Aloes,

Santali Citrini,

Aquilæ,

Cupressi,

Juniperi, &c.

Corticum Costi albi,

Cassiae lignæ,

Macis, &c.

Radicum siccarum Enulæ,

Carlinæ,

Meu,

Calami Aromatici,

Aristolochiarum,

Cyperì, &c.

AQUA MILLE FLORUM.

R. Stercoris Vaccini mense Majo collecti, . . .
 quantum volueris.

Distilletur Balneo Mariæ, seu Vaporis, ferè ad siccitatem, cavendo ab empyreumate: & ferva ad usum.

Externè commendabilis est ad naturalem corporis pulchritudinem conservandam, & inter COSMETICA numeratur.

Simili modo distillantur

Aquæ Sperniolæ, seu Spermatis Ranarum,
 è Albuginibus ovorum, &c.

AQUA MELLIS.

R. Mellis electi, libras quatuor.
 Pone in Cucurbita vitrea, cujus quintam, aut sextam capacitatis partem occupet. Distilla phlegma Bal-

neo Maris, tum materiæ superstiti misce arenæ lotæ, & exsiccata, quantum capere poterit, ac in Balneo arenæ distilletur: prodibit aqua flava, seu spiritus phlegmati admiscendus.

Aqua utraque, alba scilicet, & flava exterius applicata suffusiones, ac albugines oculorum fanat: capillis producendis prodest: interius obstructions reserat, calculum, & urinam pellit.

Dosis à drachma una ad semiunciam.

Nota: quod Spiritus, seu Aqua flava rectificata, pro extractione Coralliorum Tincturæ inservit.

CAPUT II.

DE AQUIS COMPOSITIS DISTILLATIS.

AQUA REGINÆ HUNGARIÆ.

R. Florum Rorismarini recentium cum calycibus, libras octo.

Mitte in Cucurbitam vitream, affunde

Aquæ vitæ rectificatæ, libras viginti.

Ut optimè imbuantur, dein capitello appposito, juncturisque occlusis, fiat maceratio per dies quindecim: tunc adhibito excipulo, levi igne, seu Mariæ Balneo, distillentur ad dimidias; & in vase vitreo ritè obturato serva ad usum.

In Apoplexia, Lethargo, Paralyfi, & Hyfterica passione, interius accepta prodest, à scrupulo uno ad drachmam unam; exterius etiam in doloribus à frigida causa natis, utitur; ad spiritus instaurandos, naribus ac temporibus imposita, in animi deliquiis maximè confert.

AQUA POLYCHRESTA.

R. Seminum Coriandri, . . .
 Carvi, . . .
 Seseleos, . . .
 Cumini, . . .
 Anisi, . . .
 Fœniculi, . . .
 Anethi, . . .
 Baccarum Lauri, . . .
 Juniperi, . . .
 Piperis longi, . . .
 rotundi, . . .

} ana drachmas sex.

Contundantur, & infundantur in

Aquæ vitæ optimæ, . . . libris tribus.

Et in vase vitreo benè obturato servantur.

Radicum Pœoniæ maris, . .
 Valerianæ sylvestris, . .
 Galangæ minoris, . .
 Zedoariæ, . . .
 Meu, . . .
 Spicæ Nardi, . . .
 Angelicæ Bohemicæ,
 Anthoræ, . . .
 Carlinæ, . . .
 Contrayervæ, . . .
 Viperinæ Virginianæ,
 Gentianæ, . . .
 Imperatoriæ, . . .
 Vincetoxici, . . .
 Helenii, . . .
 Ireos Florentinæ, . .
 Ari, . . .
 Acori veri, . . .

} ana semiunciam.

Radicum	Zingiberis,	ana semiunciam.
	Rubiæ tinctorum, . . .	
	Curcumæ,	
	Filicis majoris,	
	Cyclaminis,	
	Bryoniæ,	
	Aristolochiarum trium,	
	Fraxinellæ,	
	Penthaphylli,	
	Caryophyllatæ,	
	Raphani rusticani, . . .	
	Trifolii fibrini,	
	Foeniculi,	
	Calcitrapæ,	
	Pimpinellæ saxifragæ,	
	Chelidonii utriusque, . .	
	Scrophulariæ,	
	Cynoglossi,	
	Assari,	
Foliorum	Betonicæ,	
	Chamædryos,	
	Chamæpityos,	
	Majoranæ,	
	Melissæ,	
	Ocymi,	
	Origani,	
	Pulegii,	
	Polii montani,	
	Rorismarini,	
	Serpilli,	
	Thymi,	
	Hyssopi,	
	Salviæ minoris,	
	Satureiæ,	

Foliorum Mari,

Scordii,

Marrubii albi,

Veronica,

Menthæ hortensis,

Fumariæ,

Absynthii Pontici,

minoris,

Bellidis majoris,

minoris,

Tanaceti,

Matricariæ,

Nepetæ,

Dictamni Cretici,

Abrotani,

Centaurii minoris,

Folior. recentium Chærophylli,

Virgæ aureæ,

Hyperici,

Cochleariæ,

Beccabungæ,

Nasturtii,

Trifolii fibrini,

Sisymbrii,

ana semiunciam.

Radices, & Folia debito collecta tempore exsiccentur,
& contusis contundendis, incisis, incidendis; affunde

Aquæ vitæ optimæ, libras undecim.

In matraccio vitreo benè clauso, per quindecim dies
macera.

Radicum recentium Ari,

Cyclaminis,

Bryoniæ,

Raphani Rusticani,

Trifolii fibrini,

ana unciam
semitis.

Chelidonii utrius-
que, } ana unciam
Scrophulariæ, . } femis.

His incisis, superaffunde

Aquæ vitæ optimæ, . . . libras duas & semis.

Et in vase vitreo ritè obturato serva.

Florum recentium Rorismarini,

Betonicæ, .

Lavendulæ,

Lilii conval-

lium, . .

Primulæ ve-

ris, . .

Foliorum recentium Stoechados,

Rosarum

Rubrarum,

Tiliæ, . .

Tunicæ, .

Sambuci,

Aurantio-

rum, . .

Genistæ, .

Keiri, . .

Chamæmeli

Romani,

Croci, .

ana drachmam unam
& semis.

Injiciantur in

Aquæ vitæ, unciis quindecim,

Et in vase vitreo benè clauso ferventur.

Cubearum,

Macis,

Caryophyllorum,

Cardamomi,

Corticum Citrei,

ana unciam unam
& semis.

Ddd

Corticum Aurantiorum, . . . unciam unam & semis.

Ligni Aloes,	}	ana unciam unam.
Cedrini, vel Juniperini,		
Sassafras,		
Santali Citrini,		
Rhodii,		
Visci quercini,		

Cascarillæ, seu Kinæ Kinæ optimæ, uncias duas.

Gummi Carannæ,	}	ana drachmas duas.
Myrrhæ,		
Tacamahacæ,		
Benzoini,		
Styracis Calamitæ,		

Aloes,	}	unciam unam.
Succini,		
Castorei,		
Opii electi,		

Contundantur omnia, ac in vase vitreo injiciantur,
superaffundendo

Aquæ vitæ, libras octo.

Et vase benè obturato per quindecim dies macerentur:
postea omnes supradictæ infusiones misceantur, ac in ve-
fica ænea optimè stannata, Balneo Vaporis adaptata,
distillantur ad duas tertias liquoris partes; & in vasis vi-
treis exactissimè clausis, ad usum Medicum fervetur: dein
residuum distillationis coletur cum expressione, liquor per
subsidentiam purificatus, in Balneo Vaporis ad spissitudi-
nem redigatur, & fervetur pro usu, sub nomine *Extracti*
Polychrestii.

Hujus Aquæ nomen vires indicat, & pro omnibus aquis
spirituosis compositis, nempe Alexipharmacis, Epilepticis,
Theriacalibus, Hystericis, Scorbuticis, & aliis; tam internè
sumpta, quàm externè applicata, mirè præstat.

Dosis ab uncia semis ad unciam unam, sive sola, aut mista cum
potionibus appropriatis.

Extractum Polychrestum ad idem valet internè sump-
tum.

Dosis à granis sex ad octo, & pro Theriaca Cœlesti inservit.

AQUA MELISSÆ COMPOSITA, vulgo CARMELITANA.

R. Foliorum Melissæ recentium, . . . uncias sex.
Corticum exteriorum Citrei, . . }
feu Limonum recentium, . . } ana uncias duas.
Aurantiorum, }
Nucis Moschatæ, . . . } ana unciam unam.
Coriandri, . . . }
Caryophyllorum, . . . }
Cinnamomi, . . . } ana unciam semis.
Radici Aristolochiæ tenuis, }

Contundantur contundenda, macerentur per triduum in

Aquæ vitæ rectificatæ, . . . libris tribus.

Melissæ cum vino distillatæ, . . .

. libra una.

Posteà distillantur in Cucurbita vitrea, cum suo capi-
tello, juncturis clausis, igne leni ad libras tres, & serva ad
usum in vase vitreo optimè obturato.

Cephalica, & anti-histerica est: internè mista cum aliis
idoneis medicamentis utitur; externè naribus, pulsibus, &
aliis corporis partibus applicatur, utpotè in capitis, po-
dagræ, juncturarum doloribus, ac affectibus similibus, præ-
cipuè ab humoribus crassis productis.

AQUA THERIACALIS TEMPERATA.

R. Theriacæ magnæ Matritensis, . . . uncias tres.
Succorum Rutæ Caprariæ, . . }
Scordii, . . . } ana libras tres.
Acetosæ, . . . }
Acidi Citri, seu Limo- }
num, . . . }
Dddij

Digerantur per triduum in vase vitreo obturato, sub-
indè distillantur secundum artem ad libras octo, usui ser-
vanda.

Commendatur tanquam alexipharmaca, & febribus ar-
dentibus, vel malignis dicata, vel per se ad aliquot co-
chlearia aut vehiculi loco cum aliis propinata, aut cum
aliis juncta: ad stomachi debilitatem, ejusque roboratio-
nem quoque inservit.

Dosis ab uncia una ad duas.

AQUA THERIACALIS.

R. Radicum Vincetoxici, . . .
 Carlinæ, . . .
 Helenii, . . .
 Imperatoriae, . . .
 Aristolochiæ tenuis,
 Contrayervæ, . . .
 Valerianæ, . . .
 Flavedinum Citri, seu Limo-
 num recentium, . . .
 Aurantiorum, . . .
 Summitatum Scordii, . . .
 Salviæ, . . .
 Rutæ, . . .
 Baccarum Lauri, . . .
 Juniperi, . . .

} ana unciam unam.

} ana unciam semis.

Omnia contusa, macerentur per quatridduum, vase vi-
treato obturato, in

Aquæ vitæ,
 Nucum,

} ana libris quatuor.

Tandem dissolve

Theriaceæ magnæ Matritensis, . . . uncias octo.

Distilla per Cucurbitam vitream in Balneo Cinerum
ad libras sex.

Alexipharmaca, & diaphoretica est; in peste, febribus malignis, & contagiosis laudatur: qualitatem venenatam, ac pestilentem oppugnat, & extinguit: in yncope, animique deliquio, & vertigini, lethargo, epilepsia, apoplexia, paralyfi, tam interiùs, *ad unciam unam* exhibita, quàm exteriùs superimposita, proficit.

Si *drachmæ duæ* Camphoræ *unciis decem* Aquæ Theriacalis supradictæ addantur, tunc *Spiritus Theriacalis Camphoratus* vocatur.

Easdem habet vires ac Aqua Theriacalis superiùs dicta, quamvis ab aliquibus pro majori, efficaciorique alexipharmaco censetur.

AQUA EPIDEMICA.

R. Foliorum Chelidonii, . . .
 Rorismarini, . . .
 Rutæ, . . .
 Salviæ, . . .
 Absynthii, . . .
 Agrimonix, . . .
 Centaurii minoris,
 Cardui benedicti,
 Betonicæ, . . .
 Menthæ, . . .
 Radicum Angelicæ Hispanicæ,
 Zedoariæ, . . .
 Gentianæ, . . .
 Serpentariæ Virginianæ, unciam semis.

} ana manipulos duos.

} ana unciam unam.

Macerentur in

Aquæ vitæ optimæ, . . . libris duodecim.

Distilla secundum artem ad libras octo.

In febribus pestilentialibus, mista cum aliis medicamentis appropriatis, auxilio est.

Dosis ab uncia una ad duas.

AQUA VULNERARIA.

℞.	Radicum, & Foliorum Sym-	
	phyti majoris, . . .	
	Foliorum Symphyti minoris, .	
	Bugulæ,	
	Saniculæ,	
	Betonicæ,	
	Scrophulariæ mino-	
	ris,	
	Plantaginis,	
	Agrimoniæ,	
	Hyperici cum Sum-	
	mitatibus,	
	Vincæ Pervincæ,	
	Hederæ terrestris,	
	Arthemisiæ,	
	Veronicæ,	
	Verbenæ,	
	Telephii majoris,	
	Millefolii,	
	Foliorum, & Summitatum Salviæ minoris, .	
	Angelicæ,	
	Tanaceti,	
	Absynthii Roma-	
	ni,	
	Pontici,	
	Chelidonii,	
	Fœniculi,	
	Aristolochiæ tenuis	
	Menthæ,	
	Hyssopi,	
	Nicotianæ,	

ana uncias duas.

ana uncias
quatuor.

Foliorum, & Summitatum Rutæ, . . . }
 Chamæmeli, . . . } ana uncias duas.
 Scordii, . . . }
 Majoranæ, . . . }
 Rorismarini, . . . }
 Summitatum Lavandulæ florida-
 rum, & siccarum, . . . } ana uncias tres.
 Origani, . . . }
 Calaminthæ, . . . }

Concisa omnia macerentur per quadriduum loco ca-
 lente in

Vini albi, libris triginta duabus.

Distilla igne moderato, seu Balneo Vaporis secundum
 artem ad dimidias.

Laudatur ad contusiones, luxationes, ambusta, infla-
 mationes, gangrænâ præcavendam, ad vulnera, necnon
 ad partes roborandas. Præcipuè adhibetur ad Sclopetorum
 vulnera, undè Gallicum nomen l'Eau d'Arquebusade.

Si loco Vini albi, Aquæ vitæ eandem quantitatem su-
 pra prædicta simplicia effuderis, *Aquam vulnerariam* plus ac-
 tivam, & *spirituosam* habebis.

AQUA ANTI-APOPLECTICA, ET EPILEPTICA.

R. Radicum Valerianæ Sylvestris }
 minoris, . . . } ana uncias duas.
 Pœoniæ maris, . . . }
 Caryophyllatæ, . . . unciâ unam.
 Carlinæ, . . . } ana unciâ semis.
 Galangæ, . . . }
 Foliorum Dictamni Cretici, . . . } ana unciâ unam
 Salviæ, . . . } & semis.
 Florum Pœoniæ, . . . }
 Tiliæ, . . . } ana uncias tres.

400 PHARMACOPOEA MATRITENSIS.

Florum Lavandulæ, . . . } ana uncias duas.
 Rorismarini, . . . }
 Stœchados, unciam semis.
 Macis, } ana drachmas duas.
 Caryophyllorum, . . . }
 Castorei, . . . drachmam unam & semis.

Incisis incidendis, contusis contundendis, mitte in vas idoneum; affundeque

Vini albi generosi, . . . libras duodecim.

Macerentur per sex dies, identidem agitando, tunc adde

Aquæ stillatitiæ spirituosæ Ceraforum nigrorum, . . . libras tres.

Distilla in Balneo Vaporis, seu Maris, & eliciantur

Aquæ, . . . libræ octo.

Vires ex nomine patent, & ob sal volatile oleosum in aliis quoque affectibus soporosis, & similibus exhiberi poterit, ut in lethargo, vertigine, &c.

Dosis cochleatim, seu ab uncia semis, ad unciam unam & semis.

& externè etiam applicatur.

AQUA BRYONIAE COMPOSITA, seu ANTI

HYSTERICA.

R. Radicum Bryoniæ siccarum, . . . uncias duas.
 Levistici, . . . } ana unciam semis.
 Fraxinellæ, . . . }
 Zedoariæ, . . . drachmas duas.
 Cinnamomi, . . .
 Flavedinis siccæ Aurantiorum } ana drachmas tres,
 amarorum, }
 Citrorum, seu Li- }
 monum, . . .

Foliorum Artemisiæ,	.	.	.	}	ana drachmas decem.
Pulegii,	.	.	.	}	
Neperæ,	.	.	.	}	
Sabinæ,	.	.	.	}	ana unciam semis.
Rutæ,	.	.	.	}	
Ocimi,	.	.	.	}	
Florum Matricariæ,	.	.	.	}	ana drachmas tres.
Stoechados,	.	.	.	}	
Croci,	.	.	.	.	drachmas duas.
Baccarum Sambuci ficcarum,	.	.	.	.	unciam unam & semis
Cardamomi minoris,	.	.	.	}	
Castorei,	.	.	.	}	ana drachmas duas.
Myrrhæ,	.	.	.	}	
Seminis Dauici,	.	.	.	}	
Cumini,	.	.	.	}	ana drachmam unam.
Rutæ sylvestris,	.	.	.	}	
Agni Casti,	.	.	.	}	
Opii,	.	.	.	.	unciam semis.
Camphoræ,	.	.	.	.	
Galbani,	.	.	.	}	ana drachmam unam
Sagapeni,	.	.	.	}	& semis.
Assæ foetidæ,	.	.	.	.	drachmam unam.

Incisis, & contusis superaffunde

Vini albi generosi, libras decem.

Digere in loco calido per dies quindecim, vas identidem agitando. Distilla secundum artem in Balneo Maris, seu Vaporis ad libras septem, & serva.

Aperitiva, resolutiva, & nervina est, hysterice affectibus præscribitur; menses, foetum, & secundinas pellit; uteri flatus discutit; communiter tamen epilepticis insultibus, motibus convulsivis, & aliis similibus nervorum morbis oprimam præstat opem.

Ecc

AQUA EPILEPTICA LANGII.

R. Florum Liliorum convallium recentium, uncias sex.
 Lavandulæ, unciam unam.
 Rorismarini,
 Stoechados, } ana unciam unam.
 Tiliæ,
 Cinnamomi, drachmas sex.
 Nucis Moschatæ, unciam semis.
 Piperis longi,
 Cubebarum, } ana drachmas duas.
 Visci Quercini,
 Radicum Pœoniæ,
 Fraxinellæ, five Dic } ana unciam semis.
 tamni nostratis,

Macerata per triduum in

Vini generosi, libris octo.

Distillantur ad dimidias.

Ad epilepsiam, vertiginem, Apoplexiam, tum præservandi, tum curandi fine, in ipso paroxismo datur ut aliæ Aquæ spirituosæ cochleatim.

Dosis à semiuncia ad unciam unam.

AQUA IMPERIALIS.

R. Radicum Imperatoriæ,
 Cyperi,
 Ireos Florentinæ,
 Calami aromatici, } ana semiunciam.
 Carlinæ,
 Galangæ minoris,
 Zedoariæ,
 Cinnamomi acuti, uncias duas.

Santali citrini,
 Summitatum ficcarum Hyssopi,
 Majoranæ,
 Thymi,
 Satureiæ,

} ana unciam unam.

Florum Lavandulæ,
 Salviæ,
 Anthos,
 Calendulæ,
 Betonicæ,
 Stæchados,

} ana drachmas duas.

Caryophyllorum,
 Nucis Moschatæ,
 Flavedinum Citrei, seu Limonum,
 Aurantiorum recentium,

} ana uncias duas.

Omnia contundantur, & macerentur simul per triduum,
 in

Aquæ vitæ,
 Melissæ simplicis,
 Naphæ,

} ana libris quatuor. libra una.

Fiat distillatio in Balneo Maris, seu Vaporis ferè ad ficcitatem.

Cephalalgia, melancholia, paralyfi, ventriculi imbecillitati prodest: morbis epidemicis adversatur.

Dosis à drachmis duabus ad unciam unam.

AQUA HIRUNDINUM.

R. Pullos Hirundinum vivos discerptos,
 numero quindecim.
 Visci Quercini, uncias tres.

404 PHARMACOPOEA MATRITENSIS.

Radicum Pœoniæ maris, . . .	}	ana uncias duas.
Valerianæ sylvestris minoris, . . .		
Seminis Pœoniæ excorticati, . . .		
Cornu Cervi crudi, . . .	}	ana libram unam.
Aquarum stillatitiarum Florum Sambuci, . . .		
Pœoniæ, . . .		
Tiliæ, . . .		
Cerafforum nigrorum, . . .		
Aquæ vitæ,		libras duas.

Macerentur omnia simul per horas viginti quatuor; fiat distillatio Balneo Vaporis ad ficcitatem.

Maximè commendatur adversus epilepsiam, spasnum, paralyfim, apoplexiam, uteri suffocationem, & similia symptomata.

Dosis ab uncia una ad duas.

AQUA CARMINATIVA.

R. Florum Chamæmeli, . . . libras duas & semis.
 Corticum exteriorum Aurantium,
 uncias quatuor.
 Herbarum Absynthii, . . .
 Centaurii minoris, . . .
 Pulegii, . . .
 Origani, . . .
 Seminis Anethi, . . .
 Anisi, . . .
 Fœniculi, . . .
 Carvi, . . .

}	ana uncias duas.	
	}	ana unciam unam.

Incisa, & contusa infundantur per oſtiduum in

Aquæ Chamæmeli, libris octo.

Vitæ rectificatæ, libris duabus.

Postea diſtillantur in Balneo Maris, seu Vaporis ad
Aquæ libras octo.

In flatibus diſcutiendis utilis valdè.

Dosis ab uncia semis ad uncias duas.

AQUA VITÆ MULIERUM, seu BALSAMUM

EMERYONUM.

R. Nucis Moschatæ, uncias tres & semis.
Caryophyllorum,
Cinnamomi,
Zingiberis,
Cubearum,
Granorum Paradyſi, seu Car-
damomi maximi,
Radicis Zedoariæ,
Macis, unciam unam & semis.
Radicis Galangæ, drachmas sex.
Croci, drachmas duas.
Florum Tiliæ, uncias sex.
Lavandulæ,
Tunicæ,
Herbæ Salviæ,
Fœniculi,
Menthæ crispæ,
Radicis Pœoniæ,
Seminis ejusdem,
Carvi,
Visci Quercini,

ana uncias duas.

ana uncias tres.

ana uncias duas.

Omnia incisa, & contusa infundantur per biduum loco
calido, in

406 PHARMACOPOEA MATRITENSIS.

Vini albi generosi, libris duodecim.
 Aquæ Borraginis, } ana libris tribus.
 Buglosi, }
 Pœoniæ, } ana libra una
 Fragorum, } & semis.
 Rosarum, }

Dein leni calore distillentur secundum artem ad libras sexdecim.

Commendatur in foeminis, quæ sæpiùs abortum passæ sunt, itemque gravidis, quando à subito terrore, aut alia causa languescunt: lipothymias, dolores, & ventris tormina, atque inflationes tollit; infirmum foetum roborat; (undè nomen traxit) quin etiam parturientes in enixu adjuvat, viresque reficit.

Dosis ab uncia una ad duas.

AQUA CAPONIS, vulgo DE LA PALATA.

R. Caponem evisceratum, atque in frustra incisum, dempta pinguedine, numero unum.
 Ranarum, numero duodecim.
 Testudinis, numero duo.

Incisis, & evisceratis, immisce cum

Micæ pannis recentis, semilibra.
 Foliorum Borraginis, libris duabus.
 Aquæ communis, libris sexdecim.

Coquantur in vase obturato per horas duas, subindè colentur, & exprimantur, ac brodium distilletur in Balneo Maris, seu Vaporis ad remanentiam librarum octo.

Pro Analeptica habetur, hinc tabidis, consumptis, vel longo morbo exhaustis, proficere creditur.

AQUA LACTIS ALEXITERIA.

R. Foliorum recentium Cardui bene-
 dicti, . . . }
 Scabiosæ, . . . } ana uncias duas.
 Ulmaræ, . . . }
 Melissæ, . . . }
 Menthæ, . . . unciam unam.
 Aristolochiæ, . . . femiunciam.

Incisis, & contusis, affunde

Seri Lactis recentis, libras octo.

Fiat distillatio secundum artem ad libras sex.

Temperata, & alexipharmaca est, ac in quibuscumque morbis malignis, utpotè in febribus mali moris, ardentibus, & similibus prodest.

AQUA CORDIALIS TEMPERATA.

R. Cinnamomi acuti, uncias duas & semis.
 Corticum Citri recentium, uncias duas.
 Santali citrini, unciam unam.

Incisa, & contusa infundantur in

Aquæ Buglossæ, }
 Acetosæ, } ana libra una.
 Cerasorum nigrorum, }
 Rosarum fragrantissimæ, } ana libra una
 Rubi Idæi, } & semis.

Misceantur, distillantur, ad tertiæ partis remanentiam è vesica.

Detur ut aliæ Aquæ spirituosæ cochleatim.

Magnæ, multæque virtutes in viribus restaurandis, cordeque roborando, præsertim in Febribus ardentibus, aliisque morbis calidis huic Aquæ adscribuntur.

Dosis ab uncia semis ad unciam unam.

CAPUT III.

DE AQUIS SINE DISTILLATIONE.

AQUA CALCIS.

R. Calcis vivæ, libram unam.
 Sensim affunde
 Aquæ communis, libras octo.
 Post ebullitionem completam, & debitam residuum,
 cola ad usum.
 Desiccatur egregiè, & gangrænæ resistit, externè appli-
 cata.

AQUA PHAGEDÆNICA.

R. Aquæ Calcis recentis, libram unam.
 Mercurii corrosivi sublimati, . . grana viginti.
 Misce in mortario marmoreo, continuè agitando, do-
 nec Aqua optimè rubescat.
 Carnes superfluas absumit; ulcera antiqua mundificat,
 & desiccatur; gangrænæ obsistit, præsertim si spiritû vini
 commisceatur.

AQUA ALUMINOSA.

R. Aquarum stillatitiarum Rosarum, } ana libram unam
 Plantaginis, } & semis.
 Centinodii, }
 Aluminis crudi purgati, unciam semis.
 Dissolvatur in Aquis prædictis, & fervetur ad usum.
 Ad ulcera exsiccanda, & cutis vitia feliciter adhibe-
 tur.

AQUA ARTERIALIS, SEU STYPTICA.

R. Vitrioli albi, }
 Aluminis, } ana unciam semis.
 Sacchari albi, }
 Aquæ Plantaginis, libram unam.

Dissolve, & filtra secundum artem, & liquor, sive
 Aqua ad usum servetur.

Ad omnem fluxum sanguinis, non sine fructu adhibetur.

AQUA AD GINGIVAS.

R. Cinnamomi acuti, }
 Gummi Laccæ crudi, } ana drachmam unam
 Caryophyllorum, & semis.
 Aluminis rupei, semidrachmam.
 semiunciam.

Modicè contunde, & in

Aquæ bullientis, libris duabus.

Digerantur usque dum omnino frigidus sit liquor,
 tum adde

Aquæ Plantaginis, uncias sex.

Naphæ, unciam semis.

Spiritus Corticum Citrei, seu Limonum, . . .

. drachmas duas.

Vini rectificati, uncias sex.

Iterum digerantur per horas viginti quatuor; filtra
 denique, & ad usum serva.

Dentes vacillantes firmat, & gingivas scorbuto affec-
 tas sanat.

AQUA OPHTHALMICA.

R. Aquæ Plantaginis, }
 Euphrasæ, } ana unciam unam
 Chelidonii, & semis.
 Rosarum, }
 Ff

410 *PHARMACOPOEA MATRITENSIS.*

Sacchari Saturni, drachmam semis.

Tuthiæ præparatæ, drachmas duas.

Camphoræ, scrupulum unum.

Exactè misceantur, & in vase vitreo benè obturato serva ad usum.

Commendatur pro usu externo ad ophthalmias, inflammationes, ardores, rubedines, similesque oculorum affectus.

AQUA VITÆ CAMPHORATA.

R. Aquæ vitæ rectificatæ, libram unam.
Dissolve

Camphoræ, unciam semis.

Subindè in vase vitreo ritè obturato serva ad usum.

In contusionibus, luxationibus, reumatismis, & ubi discutione opus est commendatur: quibus cautionibus verò adhiberi debeat, nimis longum foret, hîc commemorare, igitur lectorem ad practicos ablegamus.

CAPUT IV.

DE SPIRITIBUS ARDENTIBUS VOLATILIBUS.

SPIRITUS VINI SIMPLEX.

R. Vini generosi, quantum volueris.
Mitte in cucurbitam magnam, cujus partem mediam vinum occupet: adapta capitellum, refrigeratorio suo instructum, obturatis juncturis, igne moderato distilla, donec prodiens liquor flammam non concipiat.

SPIRITUS VINI RECTIFICATUS.

R. Aquæ vitæ, quantum volueris.
 Distilla lento igne vase idoneo, quod *SERPENTINA* vulgo vocatur, & habebis Spiritum Vini rectificatum.

Roborat, congestiones dolorificas dissipat: Ut autem agnoscant quâ prudentiâ in Ambustione, Erysipelate, & Lymphæ congestionibus externè adhiberi debeat, juniores Medici provectiores consulant.

Inservit præcipuè ad Essentias, Tincturas, Elixiria, & alia medicamenta elaboranda.

SPIRITUS VINI TARTARISATUS.

R. Spiritus Vini, libras sex.
 Salis Tartari, libram unam, & uncias quatuor.

Digerantur igne arenæ per horas duodecim in vase vitreo benè obturato; subindè liquorem spirituosum effunde per inclinationem, & serva.

Ad idem valet.

SPIRITUS VINI CAMPHORATUS.

R. Spiritus Vini, libras duas & semis.
 Dissolve

Camphoræ, unciam unam.

Mitte in vas vitreum ritè obturatum, & serva ad usum.

Vires magis activæ sunt, quàm Aquæ vitæ Camphoratæ supra descriptæ.

SPIRITUS ARDENS CERASORUM NIGRORUM.

R. Cerasorum nigrorum maturorum cum nucleis confusorum, libras triginta.

Injice in vase terreo capaci, & superaffunde

Mellis optimi, libras tres.

Aquæ calentis, libras duodecim.

Ff ij

412 PHARMACOPŒA MATRITENSIS.

Vase obturato macerentur in hypocausto, vel in loco tepido, ut fermententur, donec vinosum spiret odorem; tunc ex arte distilla lento igne, seu Balneo Maris, spiritus inde prolicitus, repetita distillatione rectificetur.

Cephalicus est, & hinc in quibuscumque capitis affectibus proficere creditur, ut in epilepsia, &c.

Dosis à drachma una ad duas.

Simili modo elici possunt

Spiritus ardentēs	{	Baccarum recentium Juniperi,
		Ebuli,
		Sambuci, &c.
		Fructuum Fragorum,
		Cydoniorum,
		Rubi Idæi, vel
		Framboesiae, &c.
		Herbarum recentium Absynthii,
		Rorismarini,
		Cochleariae,
		Lepidii, &c.
		Florum Rosarum,
		Stœchados,
		Lavendulæ,

Nota: Cochlearia, Beccabunga, Lepidium, &c. fermentari non debent, quoniam hujusmodi Herbarum Sales, quippe qui nimis volatiles sunt, ob fermentationem in auras velociter effugiant.

SPIRITUS CARMINATIVUS.

℞.	Radicum Enulæ Campanæ, . . .	}	ana drachmas tres.
	Imperatoriae, . . .		
	Galangæ, . . .		

Summitatum Rorismarini, . . . }
 Majoranæ, . . . } ana uncias tres.
 Rutæ, . . . }
 Ocimi citrati, . . . }
 Centaurii minoris, . . . }

Baccarum Lauri, drachmas sex.

Seminum Foeniculi, }
 Levistici, } ana unciam unam.
 Anisi, }

Zingiberis, }
 Nucis Moschatæ, } ana drachmas tres.
 Macis, }

Cinnamomi, unciam semis.

Caryophyllorum, }
 Corticum Aurantiorum, } ana drachmas duas.

Concisis, & crasse contusis, affunde

Spiritus Vini rectificati, . . . libras tres & semis.

Digerantur in vase clauso per biduum calore lento, ac
 distillantur Balneo Maris, seu Vaporis ad siccitatem usque.

In colicis doloribus, torminibus, ex acido-austero
 oriundis, & flatibus discutiendis, magno est in usu.

Dosis à drachma una ad tres.

SPIRITUS, SEU OLEUM TEREBINTHINÆ.

R. Terebinthinae, quantum libuerit.
 Aquæ communis, triplum.

Inde cucurbitæ vitreæ suo capitello instructæ, adap-
 tato receptaculo. Distilla ex arena usque ad duas tertias
 partes. Oleum in receptaculo aquæ supernatans pellucidum,
 tenue, à nonnullis *Spiritus Terebinthinæ*, ob ejus tenui-
 tatem, ac pelluciditatem, dicitur. Colligatur, & servetur
 ad usum.

Calefacit, attenuat, urinam ciet, tartaream mucila-

ginem evacuat, ac resolvit: ideòque in colicis doloribus, & nephriticis prodest.

Dosis à guttis duabus ad octo, vel decem.

Pari modo distillantur

Balsama omnia liquida.

SPIRITUS TEREBINTHINÆ ACIDUS.

R. Terebinthinæ claræ, libras tres.
Liquefacta, adde

Stupæ minutim incisæ, quantitatem sufficientem.

Misce, & immitte in retortam vitream ampliore, ut duæ tertiæ partes sint vacuæ, adaptato recipienti, clausisque juncturis. Distilla ex arena lento igne, & Spiritus prodibit cum Oleo subtili mistus; dein dempto recipienti, Spiritus ab Oleo per infundibulum separetur; & iterum adaptato recipienti, augendo ignem distillatio continuetur, donec Oleum flavum, paulo spissiùs prodeat, & seorsim usui servetur.

Spiritus diureticus, & vulnerarius est: renes, ureteres, atque vesicam expurgat.

Dosis à guttis sex ad octo.

Oleum prædictum eisdem inservit usibus, ut Oleum aqua antea distillatum.

Flavum Oleum externè applicatum, vulnerarium, & balsamicum est.

SPIRITUS, ET SAL VOLATILE SERICI.

R. Serici crudi, seu Bombylium mundatorum, libras duas.

Immitte in retortam vitream loricatam, & igne aperto per gradus aucto, in recipienti amplo, juncturis clausis, fiat distillatio, usquedùm nebulæ comparare in eo desinant: subindè vasa refrigerata, Sal volatile colo retortæ

adhærens, & liquor in recipienti una cum Oleo, ac Sale volatili collectus, in Matracium vitreum, suo capitello instructum, immitte, & leni calore Sal sublimetur, quod seorsim in vase vitreo ritè obturato usui servetur.

Liquor superstes filtretur, ut Oleum à Spiritu separetur, qui per retortam, sive cucurbitam vitream rectificari debet, & ad usum servetur. Etiam Oleum per retortam rectificari potest cum cineribus mistum, & pro usu externo inservit.

Sal volatile, & Spiritus pro specifico anti-epileptico habetur, ac pro Guttis Anglicanis conficiendis inservit.

GUTTÆ ANGLICANÆ CEPHALICÆ.

R. Spiritus Serici volatilis, Sale suo saturati, . . .
 uncias quatuor.
 Olei stillatitiæ Lavendulæ, drachmam unam.
 Spiritus Vini rectificati, . . . unciam semis.

Digere per viginti quatuor horas, ac distilla ex arte ad siccitatem usque. Spiritus, sive Guttæ prolectæ in vase vitreo optimè clauso, ad usum servantur.

Commendantur, tanquam specificum anti-epilepticum, apoplecticum, & hystericum, ideòque omnibus affectibus soporosis, ac similibus prodest.

Dosis à guttis decem, vel viginti, vel ad drachmam semis, cum vehiculo convenienti.

SPIRITUS, OLEUM, ET SAL VOLATILE CORNU CERVI.

R. Cornu Cervi in frusta concisi, quantum placet. Imple retortam vitream loricatam, seu terream vitreatam. Distilla igne aperto secundum artem, primò phlegmatis prodibit paucillum, mox Oleum, denique Sal volatile, cujus pars cum phlegmate confunditur; & altera pars vasis lateribus adhærescit, & postquàm vasa refrigerata sint, recipienti adempto, agita, ut Oleum, Sal

volatile, & phlegma commisceantur; hæc omnia inde in matrarium, & apposito capitello, blando igne Sal volatile sublimetur, quod affuso Spiritu Vini rectificandum: reliquus liquor filtretur, ut Oleum spissum à Spiritu separetur, Oleum, & Spiritus, seorsim rectificentur, sicut in elaboratione Spiritus Serici dictum est: ac separatim fermentur.

Spiritus, & Sal volatile sunt medicamen penetrantissimum, alexipharmacum, sudorificum; cephalicum, antiapoplecticum, epilepticum, & asthmaticum; urinam pellit, ac in aliquibus morbis, magnopere convenit.

Dosis Salis volatilis à granis quatuor ad scrupulum unum, Spiritus à scrupulo uno ad drachmam unam.

Simili modo distillantur

Cranium Humanum,
Ossa,
Viperæ,
Ebur,
Capilli,
Millepedes,
Spongiæ,
Bufones,
Lumbrici,
Formicæ, alia Insecta,
Secundinæ,
Ungulæ Alcis,
Equorum,
Cervorum,
Omnes Animalium carnes, &c.



LIQUOR CORNU CERVI SUCCINATUS.

R. Spiritus rectificati Cornu Cervi, quantum volueris.
Immitte in phialam vitream, & affunde paulatim
Salis volatilis Succini, quantitatem sufficientem.

Ad perfectam saturationem, quæ tum facta cognoscitur,
quando cessat omnis effervescentia. Obturatâ phialâ liquo-
rem in balneo digere per dies octo, & serva ad usum.

Diaphoreticum eximium est: in motibus convulsivis,
& epilepticis plurimùm commendatur.

Dosis à guttis quatuor ad duodecim.

SPIRITUS SALIS AMMONIACI.

R. Salis Ammoniaci in pulverem }
redacti, } ana uncias octo.
Tartari fixi, }

Sal Tartari indatur cucurbitæ vitreæ, & Sal Ammo-
niacum aqua fontana solutum, simulque filtratum affun-
datur, & mox imposito alembico, adaptatoque recipien-
ti, juncturis clausis, ex arena igne moderato Spiritus dis-
tilletur ad uncias octo; & in vase exactissimè clauso ad
usum servetur.

Liquor in cucurbita relictus, lento igne ad siccitatem
evaporatus, SAL SYLVII ANTI-FEBRILE præbet.

Spiritus penetrans, & diaphoreticus est, in suffoca-
tione hysterica tam internè exhibitus, quàm naribus admo-
tus, proficit. In obstructionibus aperiendis, urinâ moven-
dâ, & præcipuè in soporosis affectibus cum fructu exhi-
betur.

Dosis à guttis viginti, usque ad drachmam unam.

SAL ANTI-FEBRILE SYLVII in intermittentibus febribus pro-
ficuum est; pro digestivo, & deobstruente etiam habetur.

Dosis à scrupulo semis ad semidrachmam.

Ggg

SPIRITUS SALIS AMMONIACI URINOSUS.

R. Salis Ammoniaci, uncias octo.
 Calcis vivæ, libras duas.
 Seorsim pulverata, & in retortam capacem mixta,
 immitte. Affunde

Aquæ vitæ, libram unam.

Ori retortæ manum admove, & agita, statimque receptaculum adapta amplissimum, commissuris non obse-
 ratis (quia vasa rumpuntur) per semihoram, & absque igne Spiritus distillatur; tum commissuras obsera, & igne
 arenæ lenissimo, primò distilla, augendo ad gradum secundum, donec nihil amplius Spiritus stillet.

Refrigeratis omnibus, Spiritum è recipiente illicò exemptum, serva in vase ritè obturato.

Fugacissimus, & penetrantissimus est. Communiter naribus applicatus, lethargicos, & soporosos, hytericosque dissipat affectus: etiam inservit ad eosdem usus, ut Spiritus præcedens.

SPIRITUS SALIS AMMONIACI ANISATUS.

R. Salis tartari, uncias sex.
 Aquæ communis, quantitatem sufficientem.
 Ad Sal dissolvendum, his immisceantur

Seminis Anisi modicè triti, uncias quatuor.

Fiat digestio per biduum, tum eis adde

Salis Ammoniaci pulverati, uncias sex.

Misceantur, & in cucurbita immisis, capitello appo-
 sito, recipientique optimè adlutato, distillantur ex arena
 secundum artem, Spiritus prolectus usui fervetur.

In pectoris affectibus, & flatibus debellandis, multum prodest, maximè ab humoribus viscidis ortis.

Dosis à guttis octo ad drachmam semis.

SPIRITUS SALIS AMMONIACI SUCCINATUS.

R. Spiritus Salis Ammoniaci simplicis, libram unam.
 Olei Succini rectificati, . . . unciam semis.
 Misce, & per triduum digerantur, dein per retortam,
 seu cucurbitam vitream spiritus distilletur secundum artem,
 qui in vase ritè obturato, usui fervetur.

In affectibus cephalicis, nervinis, epilepticis, hysteri-
 cisque pro magno remedio habetur.

Dosis à guttis sex ad drachmam semis.

Nota: quod si loco Olei Succini, in Spiritu Salis Am-
 moniaci simplicis injiciatur, & digeratur Oleum distillatum,
 nempe CINNAMOMI, vel CARYOPHYLLORUM, vel LAVENDU-
 LÆ, vel ABSINTHII, seu MENTHÆ, &c. obtinebis Spiritum
 Salis Ammoniaci virtutem habentem Olei admisti, serva-
 ta supra descripta methodo.

SPIRITUS VOLATILIS AROMATICUS OLEOSUS.

R. Corticum exteriorum recentium
 Aurantium, . . . } ana drachmas sex.
 Citreorum, . . . }
 Vanillæ Mexicanæ, unciam semis.
 Macis, drachmas duas.
 Omnia contundantur, dein immitte in matrarium vi-
 treum, & addantur
 Salis tartari, } ana uncia quatuor.
 Ammoniaci, }

Affunde

Aquæ Cinnamomi, } ana uncias sex.
 Spiritus Vini, }

Matraccio benè obturato, per aliquot dies digere, iden-
 tidem agitando, posthac mitte omnia in cucurbitam vi-
 tream, capitello, & receptaculo instructam, juncturis di-
 Ggg ij

420 PHARMACOPOEA MATRITENSIS.

ligenter clausis; lento igne distilla ad uncias liquoris octo,
& usui serva in vase ritè clauso.

In affectibus soporosis, convulsivis, & similibus, ani-
mi item deliquiis, valdè proficiuus, & ideo frequenter
præscribitur.

Dosis à guttis decem ad triginta.

SPIRITUS, ET SAL VOLATILE URINÆ.

R. Urinæ recentis juvenis fani, . quantum libuerit.
Decoquatur leni calore ad melleam consisten-
tiam, tum hæc sapa in retortam, seu cucurbitam immit-
tatur, capitulo appposito, & receptaculo, commissuris ritè
obseratis, igne lenissimo distilla: prodibit primum phleg-
ma tenue cum Olei pauxillo, aucto igne, Sal volatile as-
cendet simul cum Spiritu, lateribus vasis adhærens, quod
rectificabis. Oleumque à Spiritu separabis, ut dictum est.

Referat, & obstructions aperit; calculum dissolvere
creditur.

Dosis Spiritus à semisrupulo ad semidrachmam.

Salis volatilis à granis quatuor ad scrupulum unum.

Sic distillantur

Sanguis Humanus calore leni siccatus,
Sanguis Hirci, &c.

SPIRITUS FULIGINIS.

R. Fuliginis Ligni Quercini nigerrimæ compactæ, &
splendentis, quantum placet.

Trituratam immitte in retortam terream, aut vitream
loricatam, ut pars quarta impleatur, tum recipienti am-
plo adaptato, fiat distillatio igne reverberii, gradatim ad
mediocritatem aucto: ascendent Spiritus sub fumi albi-
cantis forma, dein Oleum cum Sale volatili.

Sal, Spiritus, & Oleum in Cucurbita vitrea distillen-

tur lento igne: Sal seorsim colligatur, & rectificetur, usuique in vase optimè obturato servetur. Reliquus liquor, ab oleo filtratione separatus, igne arenæ rectificetur.

Spiritus, & Sal volatile, internè exhibentur in iisdem affectibus, quibus Spiritus Salis Ammoniaci succurrere solet, & à quibusdam, in febribus pestilentialibus pro Cardiacò magno habetur.

Dosis Spiritus, seu Salis volatilis à granis sex ad scrupulum unum.

SPIRITUS, SAL VOLATILE, ET OLEUM SUCCINI.

R. Succini flavi, libras duas.
Pulverentur, & misceantur cum
Argillæ figulinæ pulveratæ, . libra una & semis.

Immitte in retortam terream, vel vitream loricatam, orificiique amplioris; adapta receptaculum juncturis clausis, distilla igne, primò leni, auge sensim ad gradum tertium, usque nihil ampliùs stillet, & Sal volatile, Oleum, Spiritumque habebis. Vasis refrigeratis receptaculum agita, ut concretum Sal receptaculo hærens, addita aqua calenti, colligatur, ac dissolvatur: Oleum à spiritu per chartam bibulam, priùs aquâ madefactam, separetur: Spiritus sale imbutus, leni igne evaporetur, & in cella reponatur, ut Sal volatile crystallicetur, & à liquore, seu spiritu separatum ad usum serva. Spiritusque dein etiam servetur.

Oleum cum argilla recenti rectificari potest, & tunc subtile, pulcherrimum, & magis album obtinebis, ex quo *ELEO-SACCHARUM SUCCINI* conficitur.

Oleum naribus admotum hystericas succurrit passiones. Sal volatile multi usus est: nempè ad affectus cephalicos, & nervinos, apoplexiam, letargum, vertiginem, morbosque catarrhales; in aqua Arthemisiæ solutum, menses movere creditur: frigidis capitis defluxionibus prodest, &

422 PHARMACOPOEIA MATRITENSIS.

urinam pellit : miscetur etiam in uncturis nervinis, antihysterics, & aliis.

Dosis Olei pro usu interno à guttis sex ad octo.

Salis volatilis à granis octo ad viginti.

Spiritus à semisrupulo ad semidrachmam.

Simili modo distillantur

Gagates,
Tacamahaca,
Gummi Ammoniacum,
Mastiche, & similia.

CAPUT V.

DE SPIRITIBUS SUB-ACIDIS.

SPIRITUS, ET OLEUM TARTARI.

R. Tartari contriti, libras quatuor.
Immitte in retortam capacem amplo instructam receptaculo, igne leni distilletur phlegma, donec nebulae prodeant albæ, phlegmate abjecto, restitutoque receptaculo, & juncturis obseratis, gradatim augeatur ignis ad summum gradum, ut Oleum exeat, dein igne semoto, infrigidatisque vasis, Oleum foetidum à spiritu (charta emporetica duplicata, ac humectata) separetur. Spiritum igne arene rectificatum, in vase clauso ad usum serva.

Incidit, attenuat, resolvit, obstructions reserat, sudores movet, atque urinam ciet.

Dosis à semisrupulo ad drachmam unam.

Oleum rectificari potest, ut aliquam foetoris partem

deponat, & ad varios externè deservit usus, in Unguentis permistum: scilicet ad scabiem, tumores duros resolvendos, & artuum dolores mitigandos.

Caput mortuum calcinatum inservire potest ad *SAL TARTARI FIXUM* conficiendum.

Simili modo Spiritus, & Oleum omnium Salium essentialium extrahi possunt.

SPIRITUS, ET OLEUM LIGNI GUAJACI.

R. Rasuræ Guajaci, . . . quantum volueris. Immitte in retortam vitream benè lutatam, ita ut tertia pars remaneat vacua, & in furno reverberii, amplo applicato recipienti, distillatio incohetur; primum lento igne, ut calefiat, & phlegma exeat, usquequò guttæ nullæ ampliùs appareant; abjecto phlegmate, receptaculum denuò imponatur, obseretur optimè, ignisque gradatim augeatur, sic spiritus prodibit, & Oleum sub nebularum forma: vasis refrigeratis, Oleum nigrum à Spiritu, per chartam madefactam, separetur: spiritus igne arenæ in cucurbita vitrea rectificetur.

Spiritus sub-acidus urinam ciet, atque sudorem.

Dosis à semisrupulo ad semidrachmam.

Oleum supra cineres, sive ossa calcinata rectificandum: ad externos inservit usus, ut ad dolores venereos, vulnorum mundificationem, fungosarum carniū absorptionem, ossium cariem, & squamationem multum prodest; ad dentiumque dolores, optimo cum successu applicatur.

Ex capite mortuo, more solito, *SAL FIXUM* elicitur.

Pari modo distillantur

Ligna Buxi,
Juniperi, & similia.

OLEUM CERÆ.

R. Cera flavæ, libram unam.
 Pulveris tegularum, libras duas.

Liquefacta Cera, tegularum pulverem permisce, remove ab igne, & assiduè agita, donec refrigeret, ex qua materia nondum obturata, globuli formentur, qui ex retorta vitrea igne arenæ distillantur: prodibit Oleum cum phlegmatis pauxillo, quod abjiciatur: Oleum cum tegularum pulvere commistum rectificetur, & usui servetur.

Datur internè à guttis tribus ad scrupulum semis in vehiculo diuretico, & in ischuria utitur; externè applicatur, & optimum resolvens est: in tumoribus scirrhis, ac frigidis nervorum affectibus, paralyfi, convulsionibus, & similibus morbis confert.

Similiter distillantur Olea

Saponis,
 Pinguedinum, necnon
 Gummi, & Resinarum, quæ in
 pulverem redigi non possunt.

OLEUM DE LATERIBUS, SEU PHILOSOPHORUM.

R. Laterum in frustra mediocria confractorum, . . .
 quantum libuerit.

Candescant, & illico in Oleo Olivarum immergantur, donec omne Oleum imbiberint, dein confringantur, & per retortam igne reverberii Oleum distilletur secundum artem, quod à phlegmate separatum, usui reponatur.

In Paralyfi, spasmo cynico, Ischiadi, gonagra, podagra, cæterisque articulorum affectibus, & morbis omnibus frigidis prodest.

CAPUT VI.

DE SPIRITIBUS ACIDIS.

SPIRITUS VITRIOLI.

R. Vitrioli viridis ad albedinem calcinati, quantum placet.

Inmitte in retortam loricatam, ut duæ tertiæ partes remaneant vacuæ, & in furno reverberii suo cum receptaculo amplissimo imposito. Distilla lento igne donec phlegma prodire incipiat, quo separato, commissuras apte conglutina: ignem vero auge per gradus omnes ad vehementiam summam. Vaporibus albis implebitur recipiens, Spiritus, & ultimo liquor densus, id est Oleum vulgo dictum exhibunt. Ubi per multas horas, labore sine ulla interruptione die, ac nocte continuato ignem sustinueris, cessa; refrigeratisque omnibus recipiens amove, & liquores in eo contentos in lagenam vitream prudenter effunde. Ut vero Spiritum ab Oleo separes, rectificationem adhibe per alembicum calore arenæ. Spiritus quidem stillabit. Oleum vero ita dictum in fundo cucurbitæ remanebit.

Spiritus refrigerat; bilem compescit, ac urinam promovet.

Dosis à guttis duabus ad sex.

Ex capite mortuo *SAL VITRIOLI* conficitur, solutione mediante, filtratione, & evaporatione.

Pari modo distillantur

Spiritus Martis, & qui sunt ejus naturæ.

SPIRITUS VITRIOLI DULCIS.

R. Olei, seu Spiritus Vitrioli, uncias sex.
Vini rectificati, uncias duodecim.

Immitte in matracium amplum; obturetur altero cum matraccio, ut fiat vas circulatorium, juncturis clausis, per

Hhh

biduum lento igne circuletur, dein in vase idoneo usui servetur.

Ab aliquibus in hæmorrhagiis, sanguinis sputo, cum aqua Plantaginis permixtus ad aciditatem gratam, utitur sub nomine *AQUÆ RABELLIANÆ*; febribus ardentibus, & siti convenit; ac urinam ciet.

Dosis à guttis quatuor ad octo in appropriato liquore.

LIQUOR ANODYNUS MINERALIS.

R. Olei Vitrioli per rectificationem ab omni phlegmate liberati, unciam unam.
Spiritus Vini rectificatissimi, qui ne vestigium aquæ continet, uncias quatuor.

Infuso Vini Spiritu in cucurbitam altioris colli, guttatim, & per intervalla Oleum Vitrioli instilla, noxium vaporem vitans, & cucurbitam sæpenumero concutiens, ut omnimoda fiat permixtio, in qua strepitus suborietur, non secus ac candenti ferro aquæ immisso: mixtura etiam incalcescet, & colorem acquireret rubrum. Tum capitellum cæcum aptans cucurbitæ, deficiente effervescentia, digere in cineribus per dies octo, calore primi gradus æquabiliter conservato. Post digestionem mixturam transfunde in retortam vitream, quam in balneo cinerum collocabis non sine recipiente satis amplo. Distillatio fiat igne admodum leni, donec materia intra retortam nigrescere incipiat, ac in bullas attolli. Subtracto igne, proprio sedimento affunde liquorem in excipulo contentum, & distilla iterum: id ubi tertia vice peregeris, oleum subtilissimum, quod liquori distillato supernabit, diligenter aufer, atque ad usus peculiares reconde: est enim Oleum Vini, sive Oleum Vitrioli dulce. Residuo liquori æquam portionem aquæ puræ affunde, digere per aliquot horas, & ex alembico distilla igne lenissimo tamdiu continuato, dum striæ quasi pingues non ampliùs decurrant, & solum phlegma rema-

neat in cucurbita. Habebis ex ultima distillatione acutissimè elaboratum *LIQUOREM ANODYNUM MINERALEM*.

Morbis à debilitate fibræ motricis oriundis, Apoplexiæ, Paralyfi, Vertigini, ac Epilepsiæ incomparabile auxilium habetur.

Dosis à guttis sex ad sexdecim.

SPIRITUS SALIS.

R. Salis communis decrepitati, . libram unam.
Terræ figulinæ siccatae, & pulveratae, libras tres.

Simul mixta in retorta capaci lutata, & appposito receptaculo, igne leni distilla: primùm phlegma exhibit, dein juncturis clausis ignis augeatur per horas quatuordecim: receptaculum tepescet, & nihil prodit amplius: vasis refrigeratis, spiritus in vase clauso fervetur.

Vires habet aperientes, & diureticas, ob idque appetentiam excitat, sed vix utitur nisi dulcificatus.

Dosis à guttis quatuor ad decem.

Prædicta methodo, pauca Spiritus Salis obtinetur quantitas. Sed longè uberior, & longè valentior *SPIRITUS SALIS*, extrahitur sequenti modo:

R. Salis communis pulverati, . uncias sexdecim.
Olei Vitrioli, uncias octo.

Excipulum statim adaptetur, benè muniatur: deindè igne arenæ gradatim aucto, distillatio incipiat, donec guttæ nullæ distillent: Spiritus in vase accuratè obturato fervetur.

Humores à corruptione præservat.

Quod in retorta remaneat, in crucibulo igne aperto calcinatum (more solito) præbet *mirabilem SALEM GLAUBERI*.

SPIRITUS SALIS DULCIS.

R. Spiritus Salis, uncias duodecim.
Vini rectificati, . uncias viginti quatuor.

Hhhij

Funde paulatim in retortam vitream capacem, amplissimo receptaculo instructam; digere per horas viginti quatuor, dein lenissimo igne arenæ distilla ad siccitatem usque.

Spiritus hic suavis est, ac temperatus: quapropter, sæpius in usu venit; stomachicus, & aperitivus est; appetentiam excitat; in affectibus renum, ac obstructionibus proficius valde.

Dosis à guttis decem ad scrupulum unum.

SPIRITUS NITRI ACIDUS.

R. Nitri purissimi triti, libram unam.
Terræ figulinæ siccata, & pulverata, libras tres.

Exactè misce, & in retortam loricatam immitte, ut duæ tertiæ partes vacuæ remaneant; adapta receptaculum amplissimum, juncturis obseratis, distilla, primum lento igne, dein gradatim augeatur, donec guttæ nullæ exeant; postea, vasis infrigidatis, Spiritum prolectum serva.

Pro menstruo corrosivo, sicut Aqua fortis in Chymia deservit; nequitiam internè utitur, nisi prius dulcificetur, & cum appropriatis diluatur liquoribus.

Spiritus præcedens methodo sequenti subtilior fit, atque valentior.

Tum adde

Nitri purissimi, uncias decem.

Pulverisato, & in retortam vitream immisso, superaffundantur guttatim

Olei Vitrioli, uncia octo.

Statim excipulum adaptetur, ac benè obseratum, igne arenæ Spiritus distilletur secundum artem, & usui servetur.

Viribus est consimilis præcedenti.

SPIRITUS NITRI DULCIS.

R. Spiritus Nitri, uncias sex.
Vini rectificati, uncias duodecim.

Immitte guttatim in retortam vitream capacem, receptaculo amplissimo ritè obferato instructam; post biduum distilla, ex arena ad siccitatem; & spiritum satis volatilem, & odoratissimum obtinebis.

Virtutes sunt febrifugæ, anti-pleuriticæ, diureticæ, & anti-colicæ.

Dosis à guttis decem ad scrupulum unum.

SPIRITUS, ET OLEUM SULPHURIS.

R. Sulphuris communis vireſcentis, quantum libuerit. Divide in frusta oblonga, & mitte in vas expansum sive in fictile vitreatum amplum, & capax, ex cuius medio assurgat fulcrum: vas cum sulphure pone super fulcrum, sulphur accende; desuper suspendatur campana vitrea, vel vitreum infundibulum inversum; ita ut liber aeri pateat aditus: Ascendet Spiritus, & stillabit in vas subiectum; absumpto sulphure, novum in frusta divisum reponatur: procede ut supra, donec Spiritus optatam obtinueris quantitatem, & servetur ad usum.

Nota: quòd felicius, humido cœlo, opus suscipitur.

Spiritus hic ejusdem est naturæ, ac Spiritus Vitrioli, & eadem potest dulcificari methodo.

Ad eosdem inservit usus.

Dosis quoque eadem est.

AQUA FORTIS.

R. Vitrioli viridis ad albedinem calcinati, } ana libras duas.
Nitri purissimi, }

Seorsim trita, & mixta, simul mitte in retortam capacem loricatam, receptaculo amplissimo instructam, commissuris clausis; distilla igne reverberii per gradus: deinceps conserva ad usum. Intra horas duodecim finietur operatio.

In Chymia ad Metalla, Mineraliaque dissolvenda præcipuè inservit.

AQUA REGIA.

R. Salis Ammoniaci pulverati, . . . uncias quatuor.
 Aquæ fortis, seu Spiritus Nitri, uncias sexdecim.
 Immitte in matrarium vitreum amplum, ac digere ad
 integram Salis solutionem, decanta, & serva.
 Ad solvendum aurum deservit.

SPIRITUS ACETI.

R. Aceti accerrimi, . . . quantum volueris.
 Mitte in cucurbitam stanneam aut vitream, ca-
 pitelo, & receptaculo instructam; distilla ex arena partem
 tertiam (quæ phlegma est) seorsim servandam; ulterius dis-
 tillatio continuetur, usque liquor stillans empyreumaticum
 spiret odorem.

Putredini, ac nimia humorum colliquationi resistit:
 in febribus malignis ac pestilentialibus usurpatur; refrige-
 rat, & sitim sedat.

Dosis à drachmis duabus ad unciam unam.

CAPUT VII.

DE OLEIS DISTILLATIS EX HERBIS, ET FLORIBUS
 AROMATICIS.

OLEUM ABSYNTHII.

R. Herba Absynthii incise, seminibus onusta, . . .
 quantum placet.
 Aquæ fontanæ ad super eminentiam digitorum quatuor.
 Digere per biduum, deinde fiat distillatio per Alembi-
 cum magnum, cum suo refrigeratorio, vel per vesicam cu-
 pream, suo cum operculo, & rostro oblongo in spiras con-

voluto, per frigidam aquam transeunte: Oleum cum aqua elicitum separetur per infundibulum, vel *Vitrum separatorium* dictum: Aqua ab oleo separata ad novam distillationem fervetur: ac Oleum in vase ritè obturato usui asservetur.

Calefacit, roborat, flatus dissipat; lumbricos necat, ac vomitum cohibet.

Dosis à guttis quatuor ad sex.

Pro usu externo in Unguentis stomachicis, & aliis appropriatis miscetur.

*Eodem modo parantur Olea
Menthæ, & similia.*

OLEUM ANISI.

R. Seminis Anisi contusi, . . . quantum libuerit.
Aquæ fontanæ, . . . sufficientem quantitatem.

Infunde, & macera per dies aliquot, postea distilla per vesicam, suo refrigeratorio, & receptaculo instructam. Refrigeratis vasis, oleum ab aqua separetur, usuique fervetur.

Flatus dissipat; pectoris affectibus, & colicis doloribus mirè succurrit, ventriculi concoctionem adjuvat, ac ventris tormina, à causa frigida orta, sedat.

Dosis à guttis duabus ad scrupulum unum.

Aqua spirituoſa essentialis idem præstat, sed minore cum efficacia.

Dosis ab uncia una ad uncias duas.

*Simili modo distillantur Olea
Seminum Fœniculi, & similia.*

OLEUM CARYOPHYLLORUM.

R. Caryophyllorum contusorum, . . . libram unam.
Aquæ communis ferventis, . . . libras duodecim.

Macerentur in vase benè cooperto per quindecim dies; dein distillationi committe, in vesica cum Alembico, & serpentina instructa, igne nudo ad liquoris medietatem. Oleum

postea ab Aqua spirituosa separetur, usuique reponatur.

Ventriculum corroborat; cephalalgia, vertigini, & similibus succurrit affectibus; febribus intermittentibus, à puita, flatulentisque humoribus deductis, prodest: sudores etiam movet.

Dosis à gutta una ad quatuor. Externè applicatum, dentium mitigat dolores.

Aqua spirituosa essentialis ad idem valet.

Similiter distillantur Olea

Cinnamomi, &c.

OLEUM CORTICUM LIMONUM.

R. Corticum exteriorum Limonum, quantum placet. Incidantur, ac macerentur in sufficiente Aquæ quantitate per biduum in vase optimè clauso: dein in vesica suo Alembico, & Serpentina instructa, distilla: Oleum ab aqua separetur, & utrumque usui servetur.

Stomachum roborat; appetentiam excitat; flatus discutit, & colicis doloribus proficit.

Dosis à guttis duabus ad sex. Aqua essentialis idem præstat ab uncia una ad duas.

Eodem modo parantur Olea

Corticum Aurantiorum, & similibus.

OLEUM MYRRHÆ PER DELIQUIUM.

R. Ova ad duritiem cocta, & per medium secta. Vitelli eximantur: tum albuminum Myrrhâ trita cavitates impleantur, ac denuò eorundem jungantur partes, filoque levitè compressæ, & sic paratæ, immittantur in pannum lineum, & filo appensum in cella, vel humido loco subterraneo, in paropsidem Myrrhæ liquatus humor distillabit. Vulnerarium, & anti-hystericum est.